

念樂精舍詩粹

空世子拜題



桂林吳步變

韜菴父編輯

溫光熹先生嘉言錄

民國二十二年九月

戴傳賢敬題



●上編佛法

●下編世法

●每冊定價洋二角



●葉威鳳譯書面序

●編者韜菴父自序

●劉成榮贊詩

●釋晦根撰後序

●沈彬翰校勘

●戴傳賢

●孫科

●林森

●汪兆銘

●蔣中正

●吳

●藏板者上海膠州路佛學書局

●流通者上海貝勒路道德書局

桂林吳韜菴觀察。儒得聖心。政治琴鶴。致仕之餘。棲心內典。造詣彌深。誠爲如來使。乘願再來者也。所有選輯溫光熹先生歷年手札。已刊諸大江南北報章雜誌者。彙爲一編。名嘉言錄。言近旨遠。不特有助初機。文顯義幽。足以賡括圓頓。洵所謂布帛菽粟之文。牛毛網絲之理。于念佛戒殺。立身處世。謀生計盡。人事諸端。無不詳而且盡。凡人手此一編。不特可以研究佛法。實可爲家庭教育及倫紀風化一大臂助。茲已由本局發行初版。每冊定價洋二角正。外埠函購。郵票通用。外加寄費一成。當可無失。此板定爲永久流通板。現存本局珍藏。凡我善信。如有所福消災。或求子女。或求免病。或求家宅平安。或婚喪一切事故。欲假佛光。以爲加被。捐印此書。佈施親友。利己利人。功德無量。如願於再版時附印者。每百本祇取工本洋七元。千本萬本多寡隨意。本局均能代勞。決無遺佚。匯款請用郵政掛號。直寄本局總公司。沈彬翰大居士查收。附函聲明。加印溫光熹先生嘉言錄若干本。寄何地何人收。並當將捐印者之芳名排入書內。永久流通。藉揚仁風。啓人欣向。宏揚聖道。賴方冊以前驅。廣種福田。藉篇帙爲啓發。海內不乏善信。如能仁風永扇。載輸不匿之財。惠澤長延。同植當來之福。國基永鞏。治道遐昌。佛日增輝。法輪常轉。豈特慰本局同仁流通之素心。實亦衆生之幸福也。事關弘化。用特通告。諸維慧賞。是幸。

上海膠州路二十號佛學書局總公司通告

再版溫光熹先生嘉言錄發刊辭

娛樓重訂稿

甲戌夏。上海佛學書局出版桂林耆宿吳公韜庵主編之溫光熹先生嘉言錄一書。深得海內十方知識隨喜。同仁發起再版。廣結法緣。在諸公殷殷雅意。盡流露於茶甌酒盞之間。在藐躬區區慈心自潛通於雲葉雨花之外。勝緣難得。請發爲言。原夫蒼蒼正色。乾坤有純粹之文章。浩浩同流。聖賢無新奇之事業。史遷以世家推東魯孔子。文中稱我佛爲西方聖人。是皆欲表文字之精神。而啓人心之暗昧。彼夫邪說誣民。充塞仁義。烏得不爲孟子所誅殛哉。方今世變深矣。國命危矣。空嗟衆生之芸芸。難共清言之娓娓。既不能盡人而語。蓋惟有筆之於書。酒甘露於篇中。無紙不透。生蓮花於筆底。有句皆香。此溫光熹先生嘉言錄之所以廣爲傳播也。按其書語重心長。言近旨遠。無聖口賢譯之高深。有義路禮門之開朗。嘉乃德之聚。如瞻北斗於星宮。言爲心之聲。如聽清鐘於月夜。一花。一世界。關垣途於亂世之中。三藐三菩提。納善心於慈光之內。如湯沃雪。觀書而雜念全消。似水澆塵。開卷而清心立見。論戒。殺。自遠殺機。合去貪去淫爲一手。言放生。純是生氣。知勸慈。勸孝。無二心。筆陣縱橫。驅虎豹豺狼於紙上。心光流溢。游鳳麟鸞鶴於胸中。觀書者觸類旁通。著書者俯拾即是。因知零星碎玉。無非寶月之清光。緝葉繁枝。盡是珠林之茂樹。亦可見立言之深意。而救世之苦心矣。當此茫茫前路。岌岌危機。問誰止戈爲武。掃除萬里之烽烟。愛他走筆成文。普照雙輪之日月。惟是喻道似君房之妙語。冥獨積贊如韓信之用兵。多多益善。欲使疊卷之如山。必須傾囊之似水。愛無瑕之筆墨。愛亦何嫌。貪有用之金錢。貪真可貴。嗟乎。風雲易變。歲月難留。雖生逢亂世。人間之淨土無多。而樂此善懷。方寸之心。田有主人。皆歎荆榛之滿地。我自覺雲霞之在天。如斯作者。合古人與佛而成三。信能行之。願天下從今而定。一書萬本。如垂天之大雨。誦萬遍。如及時之甘雨。我知萬紙齊飛。都在如來一笑中矣。

民國二十三年甲戌六月雙江劉咸榮敬撰并書時年七十又七

仿宋
精印
心經演繹

●成都溫光熹先生著 每冊連郵費五角

●徵求附印（第三版）每百本僅收工本洋二十五元

般若爲佛法之結晶。心經爲般若之肝髓。以故凡學佛法。應知般若。欲知般若。宜攻心經。蓋南閩浮提。所傳般若。一經。凡六百餘卷之夥。學者誦習。猶苦其繁。遑云研其無邊勝義。從上古賢。有鑒於此。特將經中所有心品。提出。單行流通於世。卽此心經是也。疏注浩繁。便僕難數。所惜昔賢注解。美者固多。不失之深。卽失之淺。縱契機宜。輒多殘佚。殊可惜也。蜀彥溫光熹先生。道德學問。久爲海內所欽佩。先生苦學有年。著作等身。比歲融通歐西哲學。弘揚佛典。著述之博。早已膾炙人口。無庸再讚。研究此經。歷經寒暑。參考幽贊。直指等古德注疏。披沙揀金。另創體格。一以六百卷總本爲綱領。撰此演繹。文簡義賅。深入顯出。凡學佛者。不可不讀。卽沒量大家。亦宜備作參考。現由范古農居士。細心詳爲校勘。可免魯魚之訛。茲歸本局總公司鑄板。沈彬翰諸居士。督工進行。書首并加插圖數幅。皆大藏中佛像。用照相印成。古色古香。坊間不易見者。用仿宋銅字丁成板。華太紙印刷。絲線古裝。精美絕倫。足見本局年來印刷進化之不虛。以之珍藏書館。學校。經樓。抑或佈施親友。既增法喜。並可研究佛學。一舉兩得。利益無邊。已於民國廿二年十一月發行初版。分發各行省。並交多部與影印宋板藏經委員會。由王一亭等居士。隨藏經分送日本及歐美各國。以資垂遠。廿三年發行再版。較初版更爲精美。除各大居士捐印分送結緣外。本局各省分局。定每冊工本洋四角。每一百本二十五元。海內不乏善信。如有祈禱。消災。或求子女。或求免病。或求家宅平安。或婚喪一切事故。欲假佛光。以爲加被。捐印此書。布施親友。利己利人。功德無量。或附印百本千本。多寡隨意。代送寄郵。本局均能代勞。決無遺佚。茲擬於二十四年發行第三版。如能早日訂印。並當將芳名排入書內。藉揚仁風。啓人欣向。以少金而造福無窮。海內善信。當樂爲之。

事關弘化。用特通告。諸維慧管是幸。如承捐印。匯款請掛號直寄本局總公司查收。書出即當寄奉。

上海膠州路第廿號佛學書局總公司通告

己巳六月侍繼祖妣疾感賦（補錄）

柴門長日閉。百草翳荒園。山客何來歟。老農本故親。遠來問祖疾。布袖滿埃塵。拭淚長稽首。感慨復酸呻。姻尊且上坐。小子前自陳。我年方二十。處世多苦辛。愚癡官世故。昏庸難自新。十一攻文章。焚膏勉效嚮。移家錦城北。離別古渡濱。從此苦鉛槧。年屆二十春。久已倦文事。窮居連里仁。堂上有祖慈。愛我情至親。疇昔承劬養。中懷復忱恂。鴻恩深於海。高德恐無倫。衣食承檢點。教誨彌情真。施恩焉望報。所願早成人。嗟余十年來。愧難爲儒紳。乃者不安分。狂歌咒暴秦。性命等鴻毛。學業墮迷津。舉鄉不我留。惟恐禍推循。依依孺子心。孤苦難自陳。獨祖能垂憫。挽留訓諄諄。悲淚熱中腸。加慰以溫純。年來德尤進。應人如對賓。勉余復情篤。且時證淨因。禱告不肯休。佛廬去來頻。耿耿此中懷。大悲復渾淪。四月病云危。無怨亦無噴。衰顏晦于岌。霜鬢白似銀。淒寂延殘息。酸心慨命屯。五月野花黃。門前草葳蕤。扶病同孫話。至理足咨詢。六月當盛暑。長晝日一輪。藥烟薰苦淚。燈火映綠榛。呻吟斷還續。哀呼夜復晨。攬鏡擬九死。搖影慨傷神。性命危旦夕。舊愁復并臻。祖難無由代。自愧枉爲人。臨風揮苦淚。抑悲意恣恣。願因西風逝。往生與祖隣。

序

小子幼而失學。于詩尤未加意。會已已。由渝返蓉。彌留閱年。病榻輒置古詩數卷。雖未必解。亦聊慰蕭慙爾。因以管見編中國詩學史大略一書。凡十有二章。都八萬言。無非獮祭陳言而已。故藏拙未敢示人。于香山詩殊有癖好。繼而效顰。亦從未問世。翌年。遭繼祖妣柴老安人喪。侍病半載。心神交頽。悲恫未狀。偶有流露。多烏私之情。比年海內師友。愛忘其醜。索閱漸衆。寒世廬。因爲編纂。殺青。以代鈔錄。非冀傳世。惟愛之者任其存。惡之者任其毀。蓋文字雅言。本非所任。且久已無心于此。故凡弱冠前箸述。概付一燬。以示昔日之我。非今日之我。聊申懺悔之意。獨此稿乃劫灰所餘。撫思先繼祖妣劬勞之恩。彌不忍棄。是以敝帚自珍。區區苦衷。大君子諒能恕其荒唐也。

民廿三年甲戌春日自負負人下劣罪夫稽首謹書

念柴精舍詩粹

念柴精舍詩粹

奉化寒世廬藏書

松述庚

閑情

【以下民十七年戊辰稿】

人生本幻夢。何嘗有是非。譬如一池月。澹然映柴扉。達者對幽光。便覺有生機。我固庸妄人。但願心無違。侵晨荷鋤去。下山夕照微。風吹簑瑟瑟。悠然戴月還。輕陰過板橋。流水鳴潺潺。蛙聲麥畦亂。蟬詠移別枝。古道無人影。天低月半規。茅茨一鐙紅。田家笑語馳。狂犬吠林影。牛羊聲正悲。山碓水自舂。輕煙繞疎籬。佳氣暎遠山。積翠盈芳池。童稚牽衣笑。汲汲索饅黍。山妻椎髻迎。慇懃問勞瘁。升堂去簞笠。有酒斟酌之。開窗延爽入。苔痕上簾帷。琴書森羅列。兒女語啞呼。此事殊可味。幽趣幾人知。

賞月

曠昔貪飲酒。今茲貪看月。見盃每忘形。死生未嘗質。累日不醒事。祖母憂成疾。如何捨此物。居然愛月潔。策杖出門去。極目煙風碧。翠微翳白雲。繁星透林隙。田家燈火紅。時滅迹。清風吹落木。蘆華掩阡陌。渾然無所思。冷月照顏色。歸來掩柴門。敗葉燒茶液。寂寂松窗外。天涼秋月白。

卽事

宅荒埋草叢。披棘采晚蔬。車聲蘆葦裏。雲影澗溪中。天寬低遠樹。雨餘吐長虹。鎮日無人至。秋風吹廬蓬。

老丐行

西湖有老丐。睡嘗耀紅雲。橫眉若亂草。赤面沁炎氛。身棲古廟中。日向街頭蹲。蹣跚以嘯傲。跂訖且含欣。何爲免饑渴。行乞躡梧垣。性嗜盃中物。醉則狂以奔。童子操衣戲。行人笑語喧。狂飈飄祛舞。清歌出蘋繁。邇來夜猿鳴。花香杵聲清。山門孤松冷。桐蚤坐月明。問丐何所樂。樂之在清貞。問丐樂如何。其樂莫與京。天下皆露晷。我獨默不驚。多岐悲亡羊。我獨慶餘生。既未與物忤。復不與人爭。籃中有餘帛。可以酌一觥。籃中有殘膳。可以省煎烹。晨出朝暾送。暮歸明月迎。浪迹周四海。曠懷容八瀛。而彼世間人。得失亂其心。步兵悲窮路。唐衢日嗔吟。何如楊王孫。裸葬無所營。子悲原憲苦。我慕顏氏榮。吾生但行乞。不圖利與名。今茲西湖上。時聞漫歌聲。幽韻繞林薄。婉轉動人心。嬌娃聞風舞。明璫動清音。嫵媚開泣位。玉魚沁寒衾。紅樓花光冷。三潭碧水沉。借問歌者誰。丐子善清吟。行者每樂施。因歌感人深。敢繼先人志。富貴不能淫。寄言天下人。利慾本無津。所以陶徵士。甘爲無懷民。哀樂原在我。何關富與貧。泰山鴻毛輕。請歌老丐行。

冬興

白日黯無光。空庭風蕭索。蘭堂歇餘花。殘楊拂簾箔。平生性冷寂。覩此意恬泊。栗里暎閑雲。青蓮夢幽壑。大隱豈居山。市戶亦禪閣。病久知歲寒。半死與冥漠。靜言翫世味。無營忘憂樂。室暝簾影滅。月白窗霜作。可憐夜深時。猶自搗寒藥。

感舊

城居愁歲暮。挈杖出寒郭。木落山露骨。霜降鳥沉壑。夾道逢山人。披荆一唯諾。謂予何蕭瑟。有如鷄羣鶴。我輩方年少。氣質一何弱。猶憶昔年間。文章矜浩博。長陰無古今。苦心寄筆削。何以分袂來。生趣竟落莫。高揖報故人。此心久澹泊。子爲吾畏友。久負詩酒約。閉戶孤城下。兀坐自煎藥。方寸頗安閑。無勞君驚愕。忽忽十年來。往

事思如昨。遠聽牛羊悲。古刹語鈴鐸。長笑一分手。怡然亦自樂。

遇舊雨襲長慶作

憶始識君時。錦江花繞郭。白。恰俱年少。衿懷梅洒落。是時歲二月。龜城春已作。郊南桃花村。霞光紅閃灼。初旭照青山。羣鶯鳴翠壑。陰詩巖下坐。舉酒花間酌。醉罷過朝市。狂罵雞嘲謔。宛然豪傑風。雲中矯白鶴。一朝風雨別。彼此同飄泊。屈指十餘春。苦爲世緣縛。君日奔天涯。我則守蓬閣。今宵登我堂。恍如踐前約。世變幾滄桑。忽忽滋不樂。朱顏漸衰枯。愁深情緒惡。相逢疑是夢。追溯事如昨。可憐曾幾時。兒女日歡噱。焉知爲父老。夙夜心漸悚。疏梅映紗窗。月光侵簾箔。冷巷狗聲寒。霜林風飄擲。絮語夜色深。無端花果落。

采蓮曲【事見譬喻經】

朝亦采蓮花。暮亦采蓮花。蓮花不可得。隱隱越谿紗。有頰麗且都。見者用矜誇。一朝赴鄰約。南郊理桑麻。夕陽燕支熱。清風舞袖斜。使君見而艷。綠水照朱華。劫囚宮槐下。捲簾怨啼鴉。玉筍紅夜月。金盆萎蘭芽。孰知小家女。羅敷心無瑕。妾思君心苦。冷殿望寒葩。君思妾心憂。黑林聽邊笳。一在天之角。一在地之涯。見花猶見妾。采蓮喻意嘉。蓮花遠天際。陰霾多夜叉。百步九紆折。絕經老樹遮。側身氣嘻噓。目跳怯鎗鈐。欲下思君苦。欲上復咨嗟。雷電徹隕谷。黑水翻殘霞。樹搖陰雲動。巖響虎磨牙。再上天可憫。怪禽競喧譁。咫尺千仞岡。屏開走龍蛇。惟恐花難得。失脚下南呀。匪曰客微軀。恐彼眼望除。辛苦總爲君。可憐心幽遐。念念唵梵咒。步步攀槎枒。何時花盈把。何時妻歸家。朝亦采蓮花。暮亦采蓮花。蓮花不可得。隱隱越谿紗。

元旦【以下民十八年己巳稿】

東風起霜。園星迴聞。嬌鳥背鏡。延餘燄。爆竹交昏曉。年顏漸枯衰。寸心日空杳。人事久交疲。病魔恣煩擾。胸中生死念。於今猶未了。但見堂前花。新發嬌姿表。婉難抒懷抱。無情被花惱。舊游是若非。人生幾時好。閉讀十年書。頻添雙鬢稿。花開思花落。春風催人老。

東風又重來。栽花人已老。愁霜侵兩鬢。懶問花光好。冷眼觀萬象。澄心絕懊惱。年年春曉歸。丈夫志空抱。詎無愛花心。怕誤無生道。澹泊娛寡懷。浮生無所禱。日薄籬花稀。桐陰生青草。單幕疎簾動。寒雲東方顙。夜來柳添青。爆竹花未帶。何以消寂寞。閑理床頭稿。

二十初度過。又是一年春。年少有老態。愚癡世無倫。既不汲名利。亦無意問津。計算客年事。差可自披陳。藥湯調躁性。法典去心塵。有花堪引步。陋室可藏身。劫灰未埽盡。餘編更留神。每當夕陽下。嘯傲臥松筠。翠動揚長袂。風吹居士巾。堪笑不自量。自命太平民。寄言毋笑迂。運會往來頻。不見更姓輩。今爲避世人。

效謝宣城作

言眺淨名室。但見黃山苑。石泉語清籟。白雲偃瓊巘。質嶠露觚稜。簷馬鳴峭阪。踞屨似磨蟻。苦澁立未穩。翹首深松中。蔭濃晝亦晚。谷風駕林越。觸響動茶甕。薰黃倒翠微。蒼耳潛高堰。怒貌踣黯堪。傾義漸消損。十里聞疎鐘。木魚招參飯。但覺夜景幽。已忘歸路蹇。山田耀餘紅。衲子事勤墾。春耕晚語閑。結想風情遠。昏黃林下路。紆徐荷鋤返。

贈友

中原歸祖龍。萬民皆芻狗。志士豈無心。獨悲牛馬走。盛年言自好。芳華難窮守。佩劍寒太虛。文光射牛斗。名理粲風華。豪傑傾心久。擊筑爲君歌。同情忘妍醜。丈夫持乾剛。挺身步陽九。空拳握今古。四海交師友。千載豈無

人。期君默苦口。

紀游

回車來古寺。蒼舊從我游。野花紅可染。風駕響鈴樓。古鐘不紀年。埋草春復秋。老鹿參禪悅。靜臥恬無愁。探壑林阿下。乃知竹徑幽。蔭晚白日晦。午寂黑雲浮。素琴逝潭阿。紅蕖拂白鷗。忽然絕逸響。露出導師頭。隔花逆客笑。相將語清適。竹根鑿爐孔。烹茗坐蓬邱。林外紅塵地。車馬諠未休。雋譚良可悅。靜中禪意周。慚我聲聞乘。末世法難求。青雲去已遠。白日方悠悠。

喜聞硯友北伐口號

杖劍出郭門。驅馬向燕京。不見悲歌士。荒煙鎖帝城。中原正無主。攪轡誰澄清。燕湖鳴餓鬼。饑殍繞廢營。畏死非男子。但重沒世名。驚風飄浩月。朔管促長征。邊疆鐵鼓震。滄海流益橫。山川爲生色。此行匪可輕。願因吾子去。馬踏五洲平。

訪禪友

歲月不我留。時景乃忽諸。愁衰損年顏。依舊抱殘書。往事俱夢夢。日覺舊雨疏。重來游盛地。春老柳堪梳。不見舊房僧。空餘浣花居。幽溪林影黑。禪室晚風疎。孤岫黃雲起。青松落照餘。衲子晚耕回。夕陽耀耘鋤。相視如相識。逆客餐晚蔬。閒道問老衲。默默起顧余。遙指梵塔笑。夜日懸荒墟。留影寄相知。故人謂何如。

懷旅客

孤城隱黃雲。寒壑噴鳴泉。山店人影亂。宵鐙餘燄然。最憐鷄鳴後。天光未曉前。荒林聒寒飈。夕風動藁蘭。昏黃逐路裏。一山又一山。

送請經僧

白馬投荒客。寒山拜佛僧。破鉢無宿食。瘦骨雪霜凌。衲單清羸瘦。谷昏虎氣騰。紆徐疑遠路。悵惘造岡陵。蓬深跡行踪。巖懸賴古藤。黑林紅夜日。行行雲半層。長天猶匹練。閃電疑飛蠅。倦馬遲不前。梵土復峻嶒。冷風蠻嶂路。疎雨夜行鐙。苦修增福慧。遐征信有恆。願言繼古德。玄裝世所欽。異日來我里。請君演上乘。

感時

感時思人情。積念懷遠慮。病姿與衰顏。日覺來急遽。混迹寄蓉城。結廬鄰禁署。每聞呼籲聲。從暮復至曙。民生日云危。造物不服禦。苟安良用慚。前途未可預。自哂太愚癡。經年意猶豫。生計雖無着。幸未失仁恕。近來侍祖疾。焚香時祝詛。信知鮮孝心。平居復驕倨。何如早報德。洗心忘毀譽。菽水奉年高。風月資譚助。榮枯豈有常。世事難執据。西郊林路幽。古寺花開處。何當賦閑雲。擔書移家去。

答友

白雲本無心。人生乃暫住。春花與枯木。幻情須早悟。爾來隱林泉。幽居忘俗務。無染乃輕安。希夷常內顧。暇時下山游。遙來夕陽暮。疎鐘聞鳥還。夜日人爭渡。納破晚風清。落花紅徑路。策杖過山橋。芒鞋吸冷露。林虛疑無人。深谷擁雲霧。樵蘇出歡呼。殷勤慰疾痼。薄言代之子。見投新詩句。未誦已心涼。還愧承垂注。合十眺恭州。一

點寒光素。

念柴精舍詩粹

八

□ 郊 游

田家閑無事。絮酒話寒暄。遙見齋公過。歡呼作笑言。敢問諸比况。長者幾人存。就中有老叟。年暮神已昏。自言守本分。對人如弟昆。所幸經多故。猶覺賴寒溫。有女已言歸。有男已言婚。至今寒舍裏。兒孫已滿門。山南種稻麥。山北牧野豚。既解衣食計。自無煩惱根。故交皆作古。十里獨我尊。因知忠厚者。定必沐天恩。欣聞長者言。辭別上青墩。風吹麥影動。遙聞笑語喧。先生勿客氣。改日過荒村。

□ 消 夏

石屋山巖下。涼泉屋上流。五月農事息。黃花滿青邱。門前新濯腳。潄沸涼風悠。閑從屋上過。登邱且放牛。若問田家事。何堪告君侯。麥飯聊果腹。濁酒頗盈甌。所幸斯已足。功名將奚求。

□ 擬 古

出門別我里。登鞍馬欲回。悲風振林薄。牛羊鳴荒萊。白日何黯澹。歧路何崔嵬。漫漫不可極。雁門邊馬哀。廢壘起黃雲。歌舞掩塵埃。胡笳哭神社。白草掩荒臺。我馬已玄黃。梵土復枯荄。眺首雁門下。昭君安在哉。青青廟前柏。望望我心摧。誠知榮施重。中原豈無才。辱國兼辱種。此議端誰開。漢奸今已死。美人胡不來。

□ 感時效白傅作

實藥向山城。黃昏過古渡。行經野店前。故人來相遇。謂言去長安。此間難久住。別來事如何。長征馳俗務。離家消歲月。逆旅經霜露。感時傷客心。思鄉勞情注。塵事已交疲。接物多恐懼。日久故人稀。漸覺浮生誤。十載營衣食。累月蒙疾痼。世亂值年衰。坎坷難安步。既感梁父吟。還哀登樓賦。榮枯繫憂懷。方寸失調度。玄黃老馬疲。閤澹衣衫故。曾記幾何時。年顏不堪顧。更憐鬢間毛。昔黑今垂素。信知先輩言。歲月不爾駐。低聲告故人。此中有天數。造物久已然。期君早覺悟。人生百年間。修短如薤露。胡觀野店前。荒郊多古墓。不見紙灰飛。花落夕陽暮。眼前誰英雄。白骨難自護。世事且紛紛。貴能得所附。何當詠閑雲。俶裝理藥具。青青東郊草。中有歸山路。

■ 小 鳥

荒哉我窗前。淒風搖松篠。小鳥鳴其間。深宵啼至曉。我聞古人言。鵲鳥栖林杪。不聞鳴夜月。但聞鳴天鼙。如何此小鳥。晝夜聲繚繞。淒清若有意。可憐太孤藐。一哭無光寒。窗鐙火杳。再哭林影黑。聞者愁腸繞。園丁爲我言。老鳥死林表。語深婉。終余人間有此鳥。鳥猶知念恩。我何歎力小。夜坐捫心問。罪孽誠不少。幽愁勞神思。吾哀何時了。

老鳥繞樹飛。依依日哺雛。雛生方長大。老鳥死翠蒲。西風一夜來。破曉聞啼鳥。淒清半江月。昏黃兩岸蘆。裴回不忍去。哀呼繞荒途。聞者用生愛。相顧慙鬱紆。焉知雛躑苦。悽酸感勢孤。鳥鳥聽我言。深夜勿哀呼。終天覺愁深。悲哀獨爾乎。

■ 雛 羊

夕照山坡下。雛羊爾何哀。自從老羊去。依依獨盤徊。野狐來相驚。邊疆震怒雷。昔猶生天字。今猶墮塵埃。今昔

何堪悲。所悲在荒萊。跪乳恩難報。悽清何忍回。夜日爲誰明。山花爲誰開。荒萊又重青。老羊胡不來。

繼祖妣痛於陰歷六月二十二日戌時二十四日成服卽日葬於錦官北門

外萬年橋感成此什

形骸屬日月。世事且空虛。自知明此理。無如愁未舒。村莊聽人聲。田父采野蔬。鷄栖雞落晚。夕照林木疎。思彼墓下人。時來伴索居。慘澹服麻衣。淒清讀舊書。可憐荒涼夜。鬼火灼故墟。一鐙一甌茶。墳前睡起初。

相逢

相逢驚鬢白。攜手且徘徊。人生不賦命。流浪殊可哀。北國花多少。荒煙鎖夜臺。感君青雲士。英年抱奇才。辭鄉投我里。彷徨以心摧。若問病中人身世。等荒萊蕭條營生計。冷落困塵埃。新遭祖慈喪。慘澹百念灰。糞藥松窗下。病裏撫嬰孩。故鄉人報到。菊花今又開。秋深人影寂。無雁寄書來。

簡友

思業悲苦趣。觀世感炎涼。空有菩薩心。未登選佛場。病久哀餘命。有涯亦渺茫。面壁成虛坐。行履更疎狂。夜來居丈室。冷月照禪床。番茶閑自煎。餘焰何昏黃。胡僧形影寂。破鉢落花香。白馬今已死。梵經勉秘藏。牟耶緣法慳。恆河復汪洋。前身證未得。欲度乃無方。相憐君與我。心傷淚成行。何當來共坐。殘夜話荒唐。

感夢

昨夢庭花開。花間坐祖母。見我笑難抑。呼前復握手。爲問近來事。尙在念佛否。憐我病彌留。誠我勿飲酒。云是二月天。春風揚翠柳。堂前佛鏡綠。櫻花拂松牖。對坐話前因。心清絕塵垢。有客忽叩門。自言靈山友。邀祖赴蓮池。彌陀心期久。乍別(頃刻)間。哀聲難出口。天秋無片雲。夕陽循牆走。冷落此幽居。麻衣聊檢守。

夜雨

晦雨翳窮巷。蓬門鐙鳴午。寂無車馬喧。離落寒繚聚。行潦毀我墉。跳鼃入我戶。一室汙泥封。咫尺無淨土。秋風單袂寒。殘蠟新翰吐。竟日不下床。有花未肯覩。入夜下房簾。閤中檢藥譜。一點窗間燭。數聲城頭鼓。畏死念無常。復思惡趣苦。爾來老齋公。采藥去山圃。無人來伴酌。孤獨成頑魯。誰言不驚心。一夜蕭蕭雨。

民十九年庚午南游四首

揮鞭策馬躡雲岡。百鳥凌風萬仞翔。四面湖光照西子。千秋王氣鬱錢塘。中原逐鹿俱凡俗。今古何人霸帝鄉。願待魯陽戈往景。妙高山頂再飛觴。(登杭州北高峯望西湖錢塘諸勝)

到底天平地不平。人間處處起紛紜。吳門壑筑思豪舉。古寺觀經好苦行。佛子慈悲宏普渡。金剛法力利羣生。揮刀雲底日光薄。萬里湖光耀眼明。(登蘇州天平山望太湖)

乘風破浪勢冲天。濯腳振衣海岸前。三聖堂邊飛白鷺。梵音洞口湧金蓮。莊嚴淨土唯心現。妙趣真空本自然。了得仍須勤頂禮。洪鐘驚響碧峯巔。(游普陀)

破浪飛舟天外來。鄮山堂下幾低回。空王舍利光芒遠。阿育威名永不摧。盛地千年毓靈秀。亂邦百世現奇才。慇懃勸我西遊好。到此英雄眼更開。(由普陀返申江過四明禮育王舍利並赴觀宗諦老頭陀夜話之約)

念柴精舍詩粹

和前韻四首

待漏室稿

111

何來鳴鳳在高岡。遮莫神歡意欲翔。覽勝不窺西子鏡。登峯方重錢王塘。蒼茫憑弔雄飛地。悲壯誰逃離亂鄉。惟有禪心無取捨。松風永夜送流觴。
天道穹窿不自平。人心高下見崢嶸。霞標擁出虛空寂。霄漢催來日駁行。萬里雲山歸眼底。八方風雨會寰瀛。吳江越嶠都游遍。欣賞無端一望明。
雨東飛渡海連天。烟水迷漫浸島前。法雨含滋森紫竹。慈雲低覆吐紅蓮。到來我所都無相。聽去潮音總自然。朝梵暮課隨衆後。晚鐘催鎖白雲巔。
我亦嘗謁島佛來。盪胸銀海任徘徊。山堂卓錫風旛靜。寶塔觀光俗慮摧。阿育神工驅鬼物。諦師疏力擅淵才。羨君慧業參知識。不禁心花瞥地開。

民二十二年癸酉仲春游華嚴二首

南行今茲又五秋。依稀鴻爪憶前游。穿林爲踐巴山約。走馬來觀字水流。峻極殿角紅日暗。經窗芸暎碧蔭浮。深宵話至忘機處。待漏鐘聲入小樓。如此人間實寡儔。高僧齊集隱渝州。摩公再至無人識。慧業初機媿我浮。半偈持來疑有覺。萬緣空處不知愁。高崗立馬游天外。極目羣山盡俯頭。

和前韻

待漏室稿

山中花木紀春秋。矧復韶華暢小游。經卷每持消宿障。陰鞭緊接款名流。音塵定課傳朝梵。一滴曹溪千派水。深宵猶自過雲樓。(餘葉遺佚)

